

Бомдоднинг суннати | Ҳадис дарслари (343-дарс)



19:00 / 03.09.2025 1966

???? ?????????? ?????? ????? ?????????? ?????

????????????? ???????? ??????? ?????????????? ?????????????? ???????:

????????????? ?????????????? ???????? ?????? ?????????????????? ???????

?????????. ?????????? ?????????????? ??????????????????????????

??????????????. ?????????????? ?????????? ??????????????????: ???

????????????????? ???????? ?????????????????? ??????????????.

Оиша розияллоҳу анҳодан ривоят қилинади:

«Набий соллаллоҳу алайҳи васаллам:

«Бомдоднинг икки ракъати дунё ва ундаги нарсалардан яхшидир», дедилар».

Муслим, Термизий ва Аҳмад ривоят қилганлар.

Аҳмад ва Абу Довуд:

«Агар сизни отликлар қувиб турса ҳам иккисини қўйманглар»ни зиёда қилганлар.

Шарҳ: Ушбу ҳадисда Бомдоднинг икки ракъат суннати ҳақида сўз бормоқда. У икки ракъат намоз энг фазилатли вақтда ўқилади. Унинг савоби ниҳоятда улкандир. Агар Бомдоддаги икки ракъат суннат намознинг савобини бу дунёнинг ўлчови билан ўлчайдиган бўлсак, дунёнинг ҳаммасидан ва ундаги нарсаларнинг ҳаммасидан ҳам яхшироқдир.

Демак, ҳар куни саҳар туриб, яхшилаб таҳорат қилиб, Бомдод намозининг икки ракъат суннатини ўқиган одам дунёдаги энг кўп савобни олган киши бўлар экан.

Намозхонлар ўзларидаги бу фазлни англаб етишлари лозим.

Бомдоднинг суннатини ўқиш қанчалар зарур эканлигини Набий соллаллоҳу алайҳи васалламнинг **«Агар сизни отликлар қувиб турса ҳам иккисини қўйманглар»** деган сўзларидан тушуниб олсак бўлаверади. Яъни, агар душман бостириб келиб турса ҳам, Бомдоднинг икки ракъат суннатини тарк қилмаслик лозим.

????????? ???????: ??? ???? ???? ?????? ???? ?

???? ???? ???? ???? ???? ???? ?

???????????? ???? ???? ???? ???? ?

????????? ???????. ?????? ????????????

Яна ўша кишидан ривоят қилинади:

«Набий соллаллоҳу алайҳи васаллам нафллардан ҳеч бирига Бомдоднинг икки ракъатига аҳд қилганларидек шиддатли аҳд қилмаган эдилар».

Учовлари ривоят қилганлар.

Шарҳ: Пайғамбаримиз соллаллоҳу алайҳи васалламнинг Бомдоднинг икки ракъат суннاتини бирон марта тарк қилганларини ҳеч ким билмайди. Ҳатто саҳобалар билан ғазотдан келаётиб, ухлаб қолганларида ҳам, олдин икки ракъат суннатни ўқиб олиб, кейин фарзнинг қазосини ўқиганлар.

Демак, бу намозга қаттиқ эътибор беришимиз лозим.

????????? ???????: ????? ????????????? ?????? ??????

????????? ????????????? ????????????? ??????????????????????

????????????? ??????? ?????????? ????????????? ????????

??????? ????????????? ????? ?????????? ?????????? ?????????????????.

????????? ????????????????? ?????????? ?????????????????????.

Яна ўша кишидан ривоят қилинади:

«Набий соллаллоҳу алайҳи васаллам Бомдод намозидан олдинги икки ракъатни енгил ўқир эдилар. Ҳаттоки мен «Уммул Китоб»ни ўқидиларми (ёки йўқми)?» деб ўйлар эдим».

Бешовларидан фақат Термизий ривоят қилмаган.

Шарҳ: «Уммул Китоб» – Фотиҳа сураси. Пайғамбаримиз соллаллоҳу алайҳи васаллам Бомдоднинг икки ракъат суннатини жуда ҳам енгил ўқиганларини Оиша онамиз Фотиҳа сурасини ўқиганчалик, деб васф қилмоқдалар.

Бу шак эмас, балки тез ўқишни баён қилиш услуби, холос. Зотан,
Пайғамбаримиз соллаллоҳу алайҳи васалламнинг Бомдоднинг икки рақъат
суннатида нимани ўқишлари ўта маълум ва машҳур нарсадир.

???? ?????????????????????????????????

??

الْكَافِرُونَ يَا أَيُّهَا قُلُوبُ: ?????????????????????????????????

أَحَدُ اللَّهِ هُوَ قُلُوبُ. ?????????????????????????????????

??.

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам Бомдоднинг икки
рақъатида «Қул йаа айюҳал кафирун» ва «Қул ҳуваллоҳу аҳад»ни
ўқир эдилар».

Бешовларидан фақат Бухорий ривоят қилмаган.

Шарҳ: Уламолар жумҳури ушбу икки сурани Бомдоднинг суннатида зам
қилиш мустаҳабдир, деганлар.

???? ?????? ?????????? ?????? ?????? ????????? ???????:

????? ?????????? ?????? ?????????? ?????? ?????????????

فُؤلُوا: ?????????????? ?????????????? ?????? ?????????????????? ??????????????????

تَعَالُوا: ?????????????? ?????? ?????? ?????? ?????????????? إِيْنَا أَنْزَلَ وَمَا بِاللّٰهِ ءَامِنَا

????????? ?????????????? ?????????????? . وَبَيْنَكُمْ بَيْنَنَا سَوَاءٌ كَلِمَةٍ إِلَى

????????? ?????????????????????????????????? ?????????? ??????????: ??????

????????? ?????????????????? ?????????????????? ??????????????????

????????????????????????? ??????? ?????????????????.

Ибн Аббос розияллоху анхудан ривоят қилинади:

**«Расулуллоҳ соллаллоҳу алайҳи васаллам Бомдоднинг икки
ракъатида «Қулу аманна биллаҳи ва ма унзила илайка» билан «Оли
Имрон»даги «Таъалав ила калиматин соваин байнана ва
байнакум»ни ўқир эдилар».**

Муслим ва Абу Довуд ривоят қилганлар.

Шарҳ: Демак, гоҳида Пайғамбар алайҳиссалом ушбу икки оятни ҳам Бомдоднинг суннатида зам қилганлар.

«Ҳадис ва ҳаёт» китобининг 5-жузи

Ўзбекистон Республикаси Дин ишлари бўйича қўмитанинг 2024 йил 23 январдаги 03-07/362-рақамли хулосаси асосида тайёрланди.